

江蘇府縣志輯

中國地方志集成

常州府志

中國地方志集成

江蘇府縣志輯 ③⑥

康熙常州府志

江蘇古籍出版社 ● 上海書店 ● 巴蜀書社

責任編輯 薛飛
封面設計 范一辛

中國地方志集成

江蘇府縣志輯(36)

出版 江蘇古籍出版社

(南京中央路一六五號)

印刷 上海市印刷七廠

發行 新華書店


定價 上海發行所
二一五元

1991年6月第1版 1991年6月第1次印刷

ISBN 7-80519-250-2 / K·130



康熙常州府志



(清)

于琨
陳玉璣
纂修

本書二十八卷首一卷，據清康熙

三十四年（一六九五）刻本影印。

重修常州府志序

吾郡志自唐太常續
王文肅而後迄今七
十餘年時遠代更事

多湮沒近者屢行纂
葺而旋作旋輟究無
成書此其故由當事
者不能好文下士未

免秦越人之視肥瘠

又念刻費浩繁畏難
而中阻往往托之空
言而已康熙二十九

年郡太守于公以
天子近臣屢擢而蒞茲土
三年以來利無不興
弊無不剔民安訟息

俗美風淳爰以志事

進玉璽而諮之玉璽

謝不敏公則式廬殷

殷用意逾篤玉璽乃

曰公之舉誠善矣然

則費將安出公曰予

固籌之有俸金在也

遑他求乎玉璽喜而

從命遂設館尚中堂

西偏下榻授餐凡兩

閱月因日取王唐二

志反覆展玩大約王

之長在簡唐之長在

詳今以二志爲師或

簡而未該者則叅之

以詳或詳而似冗者

則仍歸於簡王唐二志中之取裁以此卽王唐二志後之取裁亦莫不以此爲準的

故以七十餘年之故實事增文省卷帙祇稍溢於王而較唐尚有所不及焉若二志

之未盡考校而大有關於吾郡者不得不一爲正之爾雅曰殷置九州漢南曰荊州

江南曰揚州山海經曰南望諸毘是毘陵之所由稱也楚地產荆故荆楚二字可以

通用自祝融錫土奉

炎帝之後爲君其去

江南甚遠秦伯自秦

中由漢陽至荊州採

藥荆之人未有義之

者再至勾吳吳之人

義而君之與荆何與

若云荆蠻歸秦伯是

時祝融之後甚爲昌

熾荆人安能舍祝融

之後而奉秦伯乎史

記云禹治水於吳通

渠貫江湖則吳之名

久矣乃欲以荆揚混

而稱之不大可哂耶

又按歷代帝王起於

西北周都洛陽以河
南爲中原至曹魏以
篡得中原而江南爲
孫策所有後與漢昭

烈中分荊州則以三
國之年號爲據自晉
未并吳之前不應用
魏文年號唐季昭宗

爲朱溫所立旋爲朱
溫所弒至天復二年
溫旣篡位晉岐淮南
移檄天下恢復唐室

仍稱天佑後唐莊宗
滅朱友貞詔廢溫父
子爲庶人至唐清泰
三年石敬瑭篡梁而

南吳徐義祖禪位於
 南唐李昇此十四年
 內江南並未有朱溫
 石敬瑭之偽號宋歐
 陽修不削朱石識者
 非之逮明一統志改
 稱曰楊吳曰南唐順
 逆了然然則作吾郡

志者豈可仍稱朱石
 篡弒之號以污我毘
 陵乎孔子曰名不正
 則言不順自以荆蠻
 之稱被吾土以朱石
 之號被吾土其名不
 正者已千百年今遇
 我于公淡識遠畧毅

然釐定而予也得搽
筆以從之其爲吾郡
之幸何如哉他如志
中各類公莫不斟酌

以歸於至當倘一義
未安一字有誤必細
加改竄而於人物列
女尤兢兢焉大節在

所必彰寸長亦所弗
棄公之秉衡旣定而
崔劉兩廣文先生以
暨同學數子互相參

訂一再而三厥功甚
偉謏劣如璣不過整
齊具文謬得掛名末
簡愧何如乎璣伏思

今

天子右文崇儒前年

命天下纂修郡乘頒付史

館其時期限迫促僅

常州府志

陳序

五

得抄謄應命魯魚墨

漏俱或有之越數年

而于公始重加校輯

捐橐付梓豈非一志

之成良非易易然則

公寧徒有功吾郡其

於

國家之倚賴何如哉是

常州府志

陳序

六

爲序

昔

康熙歲次甲戌五月旣

望郡人陳玉璠椒峰

氏撰於密圃



常州府志

陳序

七

常州府志序



粵稽唐虞之世時巡
以察民風暨乎成周
採列國之詩陳之太
史其間政治之得失
習俗之貞淫按其詩
如入其疆而目睹之
者今郡邑之貴有志

常州府志

于序

猶昔日之採詩也然
 詩所自作率出土女
 野人就一時之歌謠
 裒而輯之其事近其
 詞簡其任較易而志
 之紀載山川險阻賦
 稅盈縮城市溝塗陂
 澤原隍代有異因至

人才之毓於其鄉與
 泣於其土者所言所
 行巨細兼舉又徃徃
 生不同時事非目睹
 網羅搜剔顯微闡幽
 芟繁就簡使事蹟炳
 麟可鑒後世則取裁
 為獨難然以其難而

竟置之百年之間徒

見山高而水清坊其

軼事故老俱多者在者

或錄焉而不得其詳

詳焉而不既其實是

又不可不慎也今

皇上御極以來政教覃敷

德化翔洽薄海內外

慕義嚮風慕脩一統

志諸書制作明備然

猶宵旰靡寧勵精圖

治亟亟焉以養民為

務慎簡守令使百官

勸職爭進其功大江

之左毘陵素稱刻郡

人文財賦潯蓄蒼萃

聖駕南巡兩被恩幸擊壤

歌衢莫不戴堯天而

負舜日矣現以葑菲

末才承乏守牧夙夜

冰兢思董率屬吏以

噢咻之既逾四稔修

舉廢墜旌別淑慝罔

敢隕越爰徵往紀屬

邑五志次第纂修釐

然成帙而郡志闕如

自明萬厯唐太常續

修以來距今八十餘

年雖亦有起而議脩

者而旋作旋止論者

輒謂資乏所出余嘆

息者久之因閱張愷